

## Wien, Österreichische Nationalbibliothek (ÖNB), Cod. 1897

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

3153

## L I T U R G I C I .

3154

## DCCCCXII.

- <sup>858</sup> Codex membraneus lat. Sec. XV. Folior. nunc 24. 12. eleganter scriptus et auro coloribusque illustratus Precatorius est, in quo primo *Incipit officium beate marie virginis quod dicitur per totum aduentum*, sequuntur *Psalmi dicti de Poenitentia* initio truncati, et compactoris vitio turbati, cum *Litaniis OO. SS.* In Precibus ad has subsequis legas: *Oremus pro ministro nostro*, item: *miserere famulo tuo ministro nostro N.* nulla Principum facta mentione, unde credibile, *Codicem* hunc olim in *Belgis* exaratum fuisse. Confer *Codd. DCCCLXXXI. LXXXVI.*

## DCCCCXIII.

- <sup>862</sup> Codex membraneus lat. Sec. XV. Folior. 201. 12. bene exaratus, minio et literis auratis, picturatische initiorum distinctus, Precatorius est, et sequentia complectitur: *Incipit cursus de passione domini.* Sequitur: *Cursus de corpore christi*, et hic quidem cum duplicitibus *Vesperis*; non enim *Cursus* isti ad modum eorum, quae hodie passim *Officia* vocantur, compositi sunt, sed formam habent prolixioris *Officii ecclesiastici*, prout in choro canitur, et in sic dictis Sacerdotum *Breviariis* continetur.

## DCCCCXIV.

- <sup>868</sup> Codex membraneus lat. Sec. XV. Folior. 158. 12. minutius

sed nitide exaratus, Frontispiciis quibusdam florulentis, Literisque initiorum picturatis et auratis decorus, Precatorius est, continetque *Cursum de Beata maria virgine*, VII. *Psalmos Poenitentiae*, *Vigilias Mortuorum*, *Orationes* varias de *Domina*, id est, B. V. Maria, *Cursum de passione domini*, Precesque pro diversis opportunitatibus.

## DCCCCXV.

<sup>691</sup> Codex membraneus lat. Sec. XVI. ineuntis Folior. nunc 245. 4<sup>a</sup> bene perscriptus, praeter Initiorum literas, et oras foliorum amoenissime depictas ostentans insuper Picturas grandes XX. elegantis penicilli, quondam quadriennis *Leopoldi Ignatii Archid.* dein Rom. Imp. ut anterior theca fidem facit 1644. cui ipse parvulus scripturae tiro rudi manu adjectit: *Erzherzogk leobolld*, diversa Pietatis Exercitia continet curata in usum *Jacobi IV. Scotiae Regis*, qui a. 1513. in praelio adversus *Henricum VIII. Anglum* cecidit, et *Margaretae* Conjugis sua ejusdem *Henrici Sororis*, ut e dicendis patebit. Initium more solito ducitur a *Calendario* mirifice Sanctorum Icunculis exornato. *Fol. 14. p. 2.* Insignia Regni *Scotiae* comparent adstitutis Monocerotibus, torque Ordinis Cardui (*the Order of the Thistle*) circumflua, Symbolo Regis: *In my Defens*, et Reginae: *God us defend* inscripta. Visuntur etiam Literae I. et M. connexae, vide licet

## Wien, Österreichische Nationalbibliothek (ÖNB), Cod. 1897

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

3155

## C O D I C E S

3156

licet *Jacobus* et *Margareta*, et in margine Scutulum Reginae. *Fol. 24.* p. 2. Rex ipse virili aestate (occubuit a. aet. 41.) adstante Patrono suo *Jacobo* Apost. ante aram, cuius *Antependium*, quod vocant, iterum Regni Insignia exhibet, genuflexus orat. *Fol. 109.* p. 2. rursus Insignia et Symbolum in margine; ita *fol. 183.* I. et M. μονογενεματικως auro, unionibusque repraesentatur. Demum Symbolum Regis *fol. 189.* p. 2. et Regina *fol. 243.* p. 2. adstante Angelo ad aram procidua, cuius arae *Antependio* et *Insigne*, et Symbolum ejus, et μονογενεματικως I. M. adpieta sunt. Pictura huic e regione posita Navim ostendens, cuius vectores revellendis 2. columnis, fortassis *Herculeis*, occupantur, aut ad navigationes in utrasque *Indias* eo aevo tentari coepitas, aut ad magnam illam a *Jacobo* aedificatam Navim adludere videntur, de qua *Buchanani Rer. Scottic.* Liber XIII. Atque haec de Codicis ornamentis, quem in *Belgio*, vel saltem a *Belga* et quidem *Flandro Brugenſi* scriptum fuisse concludo, cum e miniatis in *Calendario Sanctorum* ejus terrae noninibus aliis, tum maxime e nomine *Donatiani* 15. *Odob.* cui Librarius perperam adscripsit: *episcopi Brugie*; fuit enim is *Rhenensis*, quamvis Reliquiae ejus in Ecclesia *Brugenſi* quiescant, quae anno primum 1560. cathedralis evasit. *Calendarium* porro excipiunt: *Initia IV. Evangeliorum*, *Orationes S. Brigittae*, *Horae de Cruce*, *Preces variae*, *Offi-*

ficiū B. M. V. *Psalmi Poenitentiales*, *Vigiliae Defunctorum*, *Psalmi de Passione Domini*, *Psalterium Hieronymo subpositum*, *Pafſio Domini secundum IV. Evangelistas*, et aliae Preces, in quibus *Codex mancus deficit.*

## DCCCCXVI.

*Codex membraneus lat. Sec. 385 XVI. Folior. 24. 4. eleganter exaratus, minioque distinctus Titulum praefert: Contemplacio Sabuberrima Gestorum Vitae Passio-  
nisque Salvatoris Nostri Precipuum Ex Testamento Graciae Et  
Lucis Veritate Articulatum Et  
Diligenter Collega. Hunc Titulum brevior excipit: Vite et Paſſionis Christi Meditacio. Hujus initium: Jesu mi Dilectissime, Qui  
Deus es ante secula ex substantia  
Dei patris genitus: A patribus de-  
nique et patriarchis per multa se-  
culorum tempora cum vehementi  
desiderio expectatus &c. Atque ita  
ἀποστολικῶς omnia Historiae Evan-  
gelicae Gesta enumerantur, dum  
in fine fiat collectio ejusmodi: Tu  
benignissime Domine Jesu, per hos  
sanctissimos Vitæ tue actus, paſſionem,  
crucem et mortem tuam  
libera nos — quo perduxisti latro-  
nen tecum crucifixum. Amen. La-  
tet Autor; verum e Textu Psal.  
LXXI. *Fol. 1.* praefixo: Deus  
Judicium Tuum Regi da, et Ju-  
sticiam Tuam Filiis Regis, con-  
jicio, Opusculum Ferdinando I.  
Imp. tribusque Filiis Maximilia-  
no, Carolo et Ferdinando obla-  
tum fuisse.*

## DCCCCXVII.